



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

De duplici festo sancti Egidij & missa & donatione possessionum à
VVintzzariis.

urn:nbn:de:hbz:466:1-13591

Heinr. presb. plebanus S. Pat. Eccl. ad S. Paulum. Ego *Heinr.* Scholasticus. Ego *Gozwinus* Diac. S. Pat. Eccl. Ego *Otto* Subdiac. Pat. Ego *Heinr.* Subdiac. *Heinr.* Prefectus, *Ratisponensis.* *Aramus* de Chambe, *Weinhardus* de Iulbach. *Erkenwvertus* de Mospach, *Engelbertus* de Planchenburch, *Amelbrecht* de Erling. *Meinbart* & filius eius *Heinr.* de *Spilbert.* *Ekkolf* & *Herlieb* Postmunster. *Otto* & frater eius *Engelbrecht* de *Sirubene.* *Dietrich* de *Wernarn.* *Reicher* de *Osterna.* *Wipoto* de *Ort.* *Hartmut* & *Germut* de *Austria.* *Fridericus* de *Etschelbach.* *Marquardus* de *VVolsa.* *Fridericus* de *Recebach.* Acta sunt an, ab incarnatione Dñi M.C.LV. Indictione prima. VI. an Pontificatus Dñi *Cbunradi Patavi.* Episcopi, regnante *Friderico Romanorum Imperatore III.* anno regni eius. Datum Pat. per manus *Ruperti Patavi.* Decani, VIII. Kln. Decembris.

De duplici festo sancti *Egidij* & missa & donatione
possessionum à *VVintzariis.*

CHunr. Dei gratia Pat. Ecclesie Episcopus. Vniuersis Christi fidelibus salutem in perpetuum. Sicut decet Rectores Ecclesiarum subditorum mentes verbis & exemplis ad meliora accedere, ita nihilominus iustum est spontaneas fidelium deuotiones & religiosos conatus digna amplecti benignitate, digno attollere fauore & illorum exemplo quoque fideles informare. Hinc itaque notum esse cupimus omnibus Christi fidelibus, quod DEO deuotus vir *Hartlieb* de *VVintzer Babenberg.* Ecclesie ministerialium non infimus, diuinitatis instinctu ad domus DEI decorem augmentum in Ecclesia sanctae *Margaretae Osterhouen* altare in honore sanctorum Confessorum *Egidij, Nicolai, Augustini* cum consensu & fauore dilecti fratris nostri *Engelschalci* eiusdem Ecclesie tunc *Propositi* coriusque *Osterhouen* chori, reliquique conuentus fratrum construxit, & vna cum praedictis fratribus à nobis dedicari obtinuit & patrimonij sui portionem, honeste dotauit. Haec autem sunt praedia quae ad dotem consignauit Ecclesiae *Christorff* cum adiacenti & molendinis dimidium mansum *Vriendorff,* praedium *Vihaujen,* praediolum *Chading,* praediolum supra *Harde,* praediolum *Multauue.* Haec itaque per manus *Salmani* sui *Goteboldi* de *Osterhouen* nobis praesentibus super confessionem praedictorum Confessorum ipsa die dedicationis praetaxati altaris delegauit, praesente petente quoque vxore & filiis eiusdem. Hoc ea conditione ut ad idem altare quotidie pro parentibus suis missa defunctorum dicatur: cum tamen Sacerdotum facultas permiserit, dictis aliis missis, quas Canonicus ordo, & eorum regularis consuetudo celebrari exigitur. Et ut memoria omnium parentum suorum annuatim proxima die post anniuersariam consecrationis die saepe dicti altaris, id est, V. Kln. Martij cum plenario defunctorum officio celebratur. Insuper ut festum S. *Egidij* celeberrime cum duplici festo à Clero & populo illius Ecclesiae celebretur, & in praedictis memoriis toti congregationi, de memoratis praediis pro consuetudine celebrium festorum ad mensas ministraretur. Omni ergo Conuentu fratrum coram nobis his pactionibus assensum praebentibus, nos quoque, ut praedicti viri deuotio exigeret, volentibus etiam fratribus omnibus, omnes praescriptas conditiones ita ut praedictum est in posterum inconuulsa conseruandas, nostra auctoritate & banno studuimus comunire. Testes autem horum omnium fuerunt *Poppo* de *Mesingen,* *Hartlieb* de *Wintzen,* & filij eius, *Eberhart* & *Hartlieb,* *Gotebold* de *Osterhoue,* & filij eius *Dietrich* & *Gotpolt,* *Rapoto* de *Poding,* *Rudiger* de *Ebring.* *Eppo* & frater eius, *Marquard* de *Hergoltingen,* *Eberhart* & frater eius, *Ekkhart* de *Anbaldesdorf,* *Isingrem* de *Gurichingen,* *Eschwin* de *Raphestorf,* *Rudiger* offo, *Dietreich,* *Chunrad* de *Osterhouen,* *Heinr. Vlreich* de *Mulheim.*

Petrus

*Petrus & filius eius Chunrad. de Linzingen, Chunr. de Otmaring, Hartmann VVernhart, homines Hartliep. Vcigitur hæc prædicti largitio viri vsibus prædictorum fratrum in Osterhouen Deo famulantium profutura, firma, & inconuulsa perpetuis temporibus permaneat, & vt conditiones eius immuniatē seruentur, auctoritate Dei omnipotentis & nostra, sub banno præsentis pagina firmam⁹ & stabilimus, & ad iudicium firmitatis cum testimonio & fauore *Patauen.* chori, paginam hanc sigilli nostri impressione communimus. Datum *Patau.* III. Idus Nouemb. Anno ab incarnatione Domini M.C.LIX. XI. an. Pontificatus Domini *Chunradi Pat.* Episcopi. Regnante *Friderico Romanorum Imperatore VII.* anno regni eius.*

De manfo in *Girching.*

H*ermannus* Dei gratia *Babenberg.* Episcopus, cunctis Christi fidelibus in perpetuum, Notum esse volumus tam futuris quam præsentibus, quod beneficium *Eisengrini* ministerialis nostri de *Guriching*, in eadem villa positum ab ipso nobis recognitum & resignatum Ecclesiæ sanctæ *Margar.* & fratribus inibi Deo militantibus ad perpetuam possessionem tradidimus. Vt ergo ista traditio nostra vsibus prædictorum fratrum in perpetuum sub seruitura inconuulsa permaneat, hoc nostre largitionis chyrographum ad indicium firmitatis impressione sigilli fecimus nostri muniri. Testes sunt de Choro nostro *Gotpoldus* Archidiaconus & Capellanus *Wilhelmus*, Capellanus. De fidelibus ac ministerialibus nostris, *Hertnit*, de *Ratendorff.* *Albertus* de *Chamb.* *Heinr.* de *Widen.* *Engelhardus* de *Pibelried.* *Albertus* de *Tundenuelten.* *Gundelohobus* de *Bedelndorf.* *Marquardus* de *Wilhalmeistorff.* *Gozwinus* & frater eius *Rudolfus* de *Osterhouen.* *Chunr.* de *Winzer.* *Eppo* de *Hergolting.* *Rapoto* & filius eius, *Rapoto* de *Pöding.* *Otto* de *Sleten.* *Otto* de *Pincerna.* *Albertus* & frater eius, *Eberhardus* de *Iahenstorff.* *Heinr.* de *Spilvverch* & plures alij. Actum *Osterhouen.* Anno incarnationis Dominicæ M.C.LXXII. Indictione V. regnante Domino *Friderico Romanorum Imperatore* inuictissimo, anno regni eius XV. III. Imperij verò XVII.

Concambium pro decima *Geroltingen Grezenrauth & VVartperch.*

T*heobaldus* cælesti gratia *Patauen.* Episcopus. Cunctis Ecclesiæ suæ Christique fidelibus perpetuam in ipso salutem. Multorum ante nos religiosi patrum incitati exemplis fratribus quibuscunque sed præcipue deuotè Domino seruientibus fauore & iusta petentibus assensum pariter & operam libenter debem⁹ impendere. Proinde concambium quoddam infra subnotata tam nostræ quam multorum fidelium præsentia *Patau:* ante aram S. Protomartyris *Stephani* ex æquo & vtiliter habitum, scripto nos & testibus in perpetuum notificare & corroborare dignum & necesse duximus. Cuius tenorem à modernis pariter & futuris Christi fidelibus, iugiter in omni tempore in memoria retineri cupientes cunctis innotescere volumus, quod religiosi fratres de domo S. *Margareta* in *Oster.* cum fratribus nostris de choro vtile ineuntes concambium per manum aduocati sui *Adelberti* de *Chamb.* tradiderunt præfato protomartyri arua quædam suæ proprietatis, *Chedingen* videl. & *Rütche* in perpet. *Kathedralium* vsus habenda, ipsique vicissim in recompensationem tertiam decimarum partem receperunt, quam nostri fratres prænominati choro videl. præfidentes habebunt viculis annotatis. Hoc est *Centing.* *Geroltingen.* *Grezenrauth* & *VVartperge.* Amplius,